

皇清文穎續編

皇清文穎續編卷一百六

詩

七言絕句

聖駕六巡江浙詩

謹序

曹文植

臣聞健行不息法天本於敬天相協厥居育物  
原於體物矧保障隄防之大勤踰禹蹟之八年  
平成封濟之庥典重虞巡之五載在屢省乃成  
之日益徵久道化成於不言所利之中彌見推

行盡利斯固百爾莫效其贊襄而萬姓難形諸  
讚頌者也欽惟我

皇上體元懋建斂福覃敷

承

重熙累洽之貽

裕長治久安之道胥垓埏爲

大一統丕冒坤維况吳會乃古揚州尤殷

乾顧受

祐由於

繩

武展義所以

勤民

撫鳳紀之五辰

整龍旂而

六幸大慰就瞻之衆願徧輸愉忭之輿誠

令布上春辰諏吉旦

指東邦而塗循出震

祠

先聖而期展用丁三湖之淤墊全消千里之伏流  
載考於是

揚鑾河潛

飛旆淮壩

睿慮綦詳膚公告歲木龍移設排泥滓以雲驅石槌  
頻增護田廬而櫛比陶莊勢鬯清口流舒以及

彭城之岸俯桃花高堰之波恬竹箭爽塏戚山  
之邑曲巷烟新局封五牖之泉下游禾熟屢荷  
九重之指畫長資億兆之乂安若夫後海先河自吳  
及越鯨波載戢穩赴中壘鯁壑無驚漸循北岸  
乃

廬束薪之利用未若甃石之鞏堅塘外擁乎重門隄  
內環夫一帶沙橫鐵板椿建梅花老鹽倉至范  
公塘魚鱗疊疊海昌城抵臨安郡鳳翼差差聆

巽命之重申

發帑金而大沛瀾安誌慶惟有司敬爾在公

神助貽庥皆

聖主所其無逸此

省方鉅典視昔有加而

布惠羣生於斯爲盛也至於層樓金碧霞蔚南邦

四庫琳琅星分東壁庋貯則官爲之守香芸散馥

於江山傳鈔則家有其書玉楮流輝於甌澨洵

嘉惠藝林之懋舉尤流傳祕冊之

盛心况夫

入疆之初

十行詔下因民而利萬戶倉盈免正供以十之三道  
積欠則萬至億計公田之代納豁贏數以毋徵  
而且獻賦逢畫省之材學僮廣異宮之秀優者  
年而拜

賜紓商力而



推恩下至縲紲枿楊咸沐

好生之德凡屬肖翹蠕動均蒙

在宥之仁夫東南爲財賦之名區大小稟法廉之

懿訓惟此疆吏宣

醲化以無愆及爾戎行練烝徒而互衛莫不溥邀

渥澤深荷

隆施

玉輅所經

湛恩倍廣閭占桐葉春添百二芳辰瑞兆麥歧里祀

三千繡壤

宸章奎藻大江舒

雲漢之光蒼舞衢歌夾道獻嵩華之頌

許鑿齒雕題以就

觀合扶藜轡篠而臚觀時則

喜報郵章祥呈

行幄

衍天潢之五世兆

國慶之萬年

詔檢秘函古不乏期頤耄耄人微奇瑞近祇傳唐宋  
元明盛事僅得六人

禔福實隆千載蓋我

皇上愛民滋篤上通

帝祉之原

問俗維勤怡覲

繁禧之界此卽堯民獻頌三祝徒工周雅摛詞九如  
悉備從未有

七旬聖主五葉文孫如

今日之盛者也

臣

幸隸江鄉叨趨

禁闥雖未隨

屬車之後鼓吹休明竊願於

旋踵之辰編臚事實用紀春臺之樂附諸夏諺之誠

敬製里詞恭呈

睿覽

臣

不勝歡忭欣幸之至其詞曰

昌辰熙洽五逢辰歡動東南望幸民須識

古稀天子壽

六巡健正似

初巡

旌旆悠悠出

鳳城雪塍染綠繪新晴

恩光所照畿封早萬騎無聲但頌聲

辟廱經始典斯崇洙泗心源

聖

聖同

義釋明心丁乃吉

心傳親證

素王宮

濟流三伏識清河鄭李紛紛辨證謫惟

聖闡經標八語不求甚解付其他

排淤挑溜攫之而倒漾無虞架漸移九十丈開煙水  
濶黃流都作綠差差

淮水清兮力刷黃

三朝營建重隄防試看牕口銀濤揚

六度恩波億載長

周莊迤邐達韓山白石彎如玉玦環不數黃樓旗五

丈

霓旌高拂五雲間

咸山烟樹舊成村  
闐闐新看擁縣門  
葦爾邑承

恩浩大豐年長此樂雞豚

三疊竦峙必趨中  
萬里波臣弭節同  
竹簍柴隄資拜  
衛何如鑿石亘長虹

鹽官城外塔山高  
近接尖山撼海濤

紆蹕疇咨

顏有喜樂民之樂自忘勞

鉏鍤歡呼不日成



帝心猶自切經營范公隄上雲連起片片魚鱗相次  
生

珠宮高下碧芙蓉玉帶山門

湖舊蹤那及圖書新作鎮百川學海盤朝宗

壁彩珠光聚廣陵佇

頒瓊笈架層層滙之時義羣言富液漑如川莫不增  
西湖世里鏡奩寬

冊府奎光七寶闌共喜有文兼有美益知觀水必觀

瀾

陳逋百萬

予恩蠲正賦仍寬大有年宜稻地偏多黍稌拜

君王賜大如

天

雁戶奇零舊代償公田賦納歲豐穰何期餘粒從今  
免分給千倉與萬箱

給札

親遊賦手工

因題寓教義無窮立身須以道爲器致用惟期和不  
同

鄉學祁祁大小中額增髦士沐

皇風

作人曠典沿爲例六見芹添泮水宮

壽宇熙和第祿駢普邀粟帛

賚高年更傳期羨膺華秩豈獨松喬戶口編

屢寬商力計方饒疊布

鴻恩疊共邀藏富何妨同繼富雨膏融晝露涵宵

禹下車應勉自新

湯開網更覆深仁再生識得耕桑計園土無非樂土  
人

大臣法乃小臣廉

澄敘官方澤普霑

絜矩毋苛承

聖訓還淳俗自編綯簷

桓桓勁旅鎮名區騎射精嫻

賞資殊

國語

國書敦本切勿諧越調雜吳歛

山水清音

布德音毋奢供具慰

宸襟

帝賡歌爲民風暢

五集新編六疊吟

積閏韶春晝漏遲江山佳處倍融怡日南小國瞻

天近拜舞居然

豹尾隨

記著南巡治道該

鴻篇星日共昭回

聰聽

祖訓

垂家法恰有飛章報

喜來

高元慶衍跼縣瓜

四庫書惟六姓誇徧數臣民猶僅見於

今盛事屬

皇家

至樂欣愉體

至誠愛民保抱實同情

聖躬億萬年康健

笑撫雲初慶太平

斗車回更沛

恩波畿輔歡騰樂事多

旋蹕辰剛符

啟蹕芳時百二總清和

兩韻慚摹樂府詩春臺民物共熙熙



七巡籲祝情滋切更效康衢擊壤詞

聖駕六巡江浙權歌二十首

謹序

劉躍雲

皇帝御寓之四十有九載邇治昭融羣生昌遂滂沛  
之澤邇域沛埏迺嘉惠南邦載舉

六巡典禮上纘

聖祖省方設教之隆規下酬蒸黎蹈德詠仁之殷慕  
車駕所莅免正供除逋賦

溫詔頻傳有加靡已所以裕民生也祇謁

孔林用申崇敬所過山川百神禋享備舉所以昭  
秩祀也守土羣吏各以其職來會敷言考績罔  
弗周知所以課吏治也益膠庠之額錄奏賦之  
士所以烝俊髦也徧賚耆年增給士卒矜卹庶  
獄所以廣慶惠也太和荆治

恩溥德洋視往典所舉倍爲優渥凡在紆誠抱悃之  
倫靡不聯轡拊衷遡風企舞而

胥肝殷懷尤以河渠海塘爲要計

臣

謹案虞書歲巡

之典但言望秩於山川成周之盛雅樂肇興序  
以時邁爲巡守而告祭柴望以殷爲巡守而祀  
四岳河海詩人於懷柔允猶之績雍容揄揚登  
之於頌攷河在三代時尚仍禹蹟其受治較易  
而浙海僻在越鄙亦未必遽邀天子之親臨省  
視也後世河旣合淮而東南之富庶又視昔爲  
盛郭郭田廬動闢民計故禹貢所稱海岱及淮  
惟徐州淮海惟揚州者今則以治河治海爲徐

揚之重務焉夫建萬世之利者一勞永逸策萬  
全之功者思患豫防河之形勢今昔異宜堦宜  
疏濬之成法執古策以治今河猶鑿枘之不相  
入治海惟擇塘之一法而沙形之消長水汛之  
盈虛因地制宜亦必俟久而後定我

皇上屢勤

法駕

指示機宜於河則定清口之水誌改陶莊之引流易

甃甃於高堰增礎石於徐城

籌咨相度不厭精詳稟奉

宸謨聿觀底績於海則老鹽倉而上鱗塘輦峙旣告

蒧工又復

特頒帑鏹接築范塘用資衛護凡皆需以歲月屢省

乃成

軫念蒼生周詳審慎所由貽樂利于兆民而輦宏圖

于萬禩也

臣世受

渥恩籍居南土庚子歲忝與扈從之列仰沐

光華茲奉職京師未隨

屬車之末而叨侍

講帷以記注爲職伏覩

恩諭之布絡繹便蕃欣忭之思不能自己謹託江鄉  
權歌之義拜手稽首以獻

江皋浙甸

渥恩覃澤國春濃雨露涵共識

至人

天比健

斗車依舊指東南

歡聲夾道動如雷

幸與情偏草萊曾是

仁皇行幸地

六巡還迂

玉鑾來

畿南

蹕路接青齊紫陌風光入

睿題幾曲平橋水乍泮綠楊春淀浸玻璃

金絲堂上奠芹馨二月芳辰值仲丁記得

告功年在丙檜陰重見

翠輿停

迤邐輿程更水程

福艫安穩惠風迎淮黃合處明如鏡漲拍桃花兩岸



平

甄工改築堰堦我洪澤年來保障多爲秉

至尊親指授虹霓終古鎮長波

城郭揚州碧水灣渡江帆影彩雲間霏藍翕黛邀

宸顧直接蘭陵雨後山

溫膏稠疊到茆檐

問俗金閭喜氣添越角吳根通一水柘桑影裏報郵

籤

六飛相度蒞鹽倉  
礎石魚鱗作巨防  
更向沙邊增坦  
水柳條濃拂海雲長

重門綿絡障驚湍  
發鏹還

籌雁戶安從此  
范公塘外水三疊  
潮汐總恬瀾

龍泓驚額駐

華旗明聖湖  
寬漾碧漪更有秦淮紆  
鶴望移

繼恰值閏春時

必路焚香散綺霞  
依依父老話桑麻  
獻琛亦有南交

使一樣歡呼繞

翠華

太平民物在華胥粟滿倉箱麥覆畝煙火連村添笑

語謦黃讀徧

賜租書

述職羣寮喜起諧

旌門宴賚拜

恩皆入疆各有彈冠慶

錫命同邀晉一階

奏詩多士並簪毫雅頌聲中得譽髦此日薇垣成故事

行廬授簡

賜銀袍

龐眉庶老倚鳩筇綺帛銀牌

惠最濃閩海耆儒迎

輦至更教進秩向三廳

雞竿重疊

德音傳喜見  
星空貫索躔  
一任圓扉  
青草長好攜黛  
耜赴春田

奎垣文運仰  
光昭福地藏  
書錦幘標

詔許傳鈔中  
祕籍揭天三  
閣在雲霄

五世嘉祥集

帝閭

天顏有喜藹  
春溫瑞圖繙  
到循蜚紀幾  
見孫枝又抱

孫

汪濺

君恩海共深  
珥毫長自抱  
葵心  
懷童壤  
叟歡同洽  
願託風謠和榜音

陪都風雅詞一百首

謹序

胡長齡

洪惟我

皇上御極之十年  
禮明樂備  
百度具修  
大化翔洽  
中

外禔福  
迺以秋七月始舉

時巡之典東莅

盛京

展謁

祖陵蓋所以

紹

丕基

纘

舊服其爲典也至鉅極愼羣臣咸第頌以歌詠

鴻儀而臣嘗佐尹奉天宣風述職固所司存竊惟我

朝盛京則周之豳岐也詩有豳風豳雅詳述祖宗功

德制度典章以及山川土地民風物產胥臚載

焉說者謂恩明誼美豳頌卽寓於篇中臣竊取

斯義敬獻陪都風雅詞一百首用附太史陳詩  
之列以抒下情而通諷諭宣

上德而盡忠孝云爾

四海時雍協大同早聞沛里望歌風



聖人舉事惟昭慎十載

鑾輿始蒞東

唐虞家法本傳薪

授

受隆儀紀丙辰

敬譚守成難易

說更從皇矣溯生民

櫓槍兵氣洗天河楚蜀綏安已止戈樂府新傳朱鷺

曲

成功更奏上

陵歌

高宗四度莅陪都首蹕龍飛癸亥初

續緒由來因

讓

善虞巡恰後兩年餘

東望靈區卽有郇

孝思無斁積誠開白山黑水

興王地一一曾經

侍

輦來

練日清秋出

鳳城神州左輔報新晴遵途緩轡

觀禾稼七月幽風晝裏行

夾右東馳碣石間臨榆一線闔雍關北流漫羨塗山

烈會挽衡樓故道還

帳殿周廬按頓移  
屬車雷動轉雲旗  
清風只慕夷齊  
廟傳會從他姜女祠

金城鎖鑰鎮雲連  
所過中前復後前  
久識時平銷戰  
壘祖家綽楔尚依然

連山峯接塔山峯  
疊嶂東趨又杏松  
更向呂翁山外  
望總銷金甲事春農

錦州城似錦官無  
急慢河流野水鋪  
五色日華川上

動樗蒲石子是珣玕

騾牝三千未足多牧場今見大凌河化工誰似詩人  
筆叢笠川原或寢訛

負間憑海據營青形勝從來說廣寧

星罕霓旌仙仗合十三山繞翠雲屏

衆山環衛勢稱尊瀑布高懸聖水盆爲問東丹王舊  
事曠觀亭外海雲昏

北鎮醫閭廟貌崇禮虔秩祀比三公陰崖虛殿靈旗

動肅聽長松謖謖風

木杓中通疊道遙平連雁齒永安橋成梁除道皆王  
政

玉輦從容度大遼

遼河左右古句驪潦盡寒潭漾碧漪二水雙流明鏡  
合不須布土陋唐時

枸柳河濱近老邊坦平馳道直如弦自從天作高山  
後幽館今爲梓里傳

薩爾濟欽

書事文

祖

宗朔業紀奇勲

翠華經過求遺蹟終古

威稜結陣雲

天間虎豹踞虜顏雕鶚高竊不可攀札喀臨邊知在

德太平

天子入三關

始基

王業定興京皇澗臯門締造宏長白來龍封啟運

橋山入望切精誠

鼎湖弓劍仰昇仙

四祖元宮享祀虔九擇升薌欽駿假

通

名



鑒佑廿三年

龍飛鳳舞勢齊排鬱鬱蔥蔥望裏佳神樹

寶城直得地星榆厯厯種天街

天柱高峯闕厚坤吉蠲將事啟

隆恩凝承

寶位因觀德主鬯

神堯七葉孫

神臯拱北起

昭陵流水平原氣鬱蒸

功德遠超貞觀上唐宗應自愧名稱

質明

雍肅謁

珠宮六代精禪一脈通

駿烈英姿垂萬古至今石馬尚趨風

十三甲巳

大勲成

貝冑臨戎望者驚東序今朝陳法物森森武庫貫元精

我

朝弧矢威天下況是

文皇舊日貽弓重百鈞箭四尺一麾想却萬雄貔

紹聞言德繼

前徽發筈窺奩感重欵儉示禹功留

黻冕武成周緒壹

戎衣

舊制敬傳鹿角椅容刀鞞琫始公劉

萬年

黼座昭

恭儉不似中涓捧駕頭

園壇肇建峙南郊舊受蕃釐酌用匏猶是南陽郾上  
地江淮三脊縮香茅

內治門前

方澤壇三成重飾地祇安於

今九宇函區夏益想

開疆拓土難

縮版嘗思作廟先重安松栢殿東偏天球圖玉陳宗  
器

冊寶尊藏煥几筵

太祖當年克九部祀

天

堂予卽興師馮牙受福垂

靈貺猶下神光太乙祠

瀋陽定鼎斷

皇衷豐鎬由茲始宅中億萬斯年鴻號立

大清門啟總來同

舊宮正寢額

清寧包絡乾坤御四溟執豕取膾循古制

神之來格德惟馨

當陽

崇政紫宸朝行在威儀肅百僚東海曠曠騰曉日瞻  
天咫尺近雲霄

大政當中十亭翼都俞想見泰交齊我

皇無逸遵

前烈行殿封章午夜批

東俯滄瀛瞰十洲太清雲切鳳凰樓薰香長夏因瞻  
仰秀發

天容拜

冕旒

崇政西廂顏迪光土階尚樸法陶唐南都說與張平  
子漫騁華詞賦麗康

涉渭庀材本舊家鎬京卜宅亦無華東封更念箕疇  
語保極宮名肇錫嘉

繼思齋後閣崇謨金匱瑤編

聖合符十載一修藏玉牒



萬年有道席蘿圖

文溯從看傑閣添丙丁甲乙插牙籤人間風日真難  
到靜挹芸香發寶練

粉榆社近迴沉沉絳闕儼如

帝式臨

鼎命靈長承

顯佑誠通肸蠁稟居歆

宮移景佑建城南德盛門旁德舊覃見說三官錫五

福珠旗髣髴降雲駢

凱還松杏武功馘實勝因之建寶龕何異休屠獲金  
像日來蕃部禮瞿曇

長寧寺是御花園

原廟衣冠奉九閭蔭被三千大千界妙從動靜驗風  
旛

四寺同源演法輪浮屠高蠹各城闐佛圖澄果解鈴  
語

一統皇清萬萬春

祠祀崇儒歷代同修明猶待百年中

初基釋奠

興文教鼉鼓鸞旗莅泮宮

上儀懋典悉勤求

駐蹕鄴宮五日留鳳紙十行

寬大詔不須乞復受

恩稠

仁民愛物首親親科設宗潢觀國賓今日迎

鑾諸奉祀彬彬禮樂詠昨麟

經營磬鼓僅靈臺一例鳩工

命護培更許過家榮上冢金枝玉葉隔年來

需雲愷寡合千官醕

賜宮門父老歡周雅重歌魚藻樂飲和食德勵臣寮  
際會風雲歲月深墓門宰樹已森森酬勲易世猶

和醕感激人懷報國心

留司分任各宣猷奉職惟期免過尤鵠侶虎臣都拜  
德威從少府領精鏐

平平王道本無頗修治川涂候

駕過豫借

帑金齊放免不教量吏藉催科

留都爪士扈

行營宿衛辛勤恤下情官俸兵糧弛一半八旗鳧藻  
動歡聲

六師七萃列戎行執役人胥

賞月糧陟嶮在原敷

愷澤卽看于橐復于囊

巡方行慶

湛恩濃又給參餘佐調庸從此雪來兼柳往不應行  
役念尸饔

宣風守土近

皇居九九追陪豹尾車同荷

恩綸齊進秩橫汾宴鎬未能如

小廉大法勛臣鄰漫說陪京養望身黜陟幽明

巡所守詎緣眚掩子維新

明刑弼教重秋官禮以養人可勝殘

天德好生矜庶獄鵲巢園上立雞竿

不煩民力供菱芻

惠賞還霑汎灑夫今歲簞車應更滿

豫遊到處免田租

周家穡事重民天場圃餘功亦獻研耕戰不忘敦

國俗莊糧旗地與

恩蠲

猶慮秋霖積下窪爲厓艱食憫田家澤中本鮮哀鴻  
雁

孚惠還教四鬴加

扶鳩黃髮溢康莊官絹倉糈

錫羨長又見



真人巡故里壺漿爭奉萬年觴

紫垣列宿應郎官五部分曹倣伐檀豈有浮沉金馬  
輩一時

釐正慶彈冠

種花仙縣理琴堂教育年深泯界疆滿漢缺分邊腹  
地最哉惟在有司良

大雅扶輪治化翔青衿獻賦

乘輿旁上呈

乙覽河東頌文綺封題出

尙方

莘莘俎豆學如林博士員增廣

德心盡見珊瑚歸鐵網何曾遼海有珠沉

遠遣陪臣鴨綠江世稱恭順海東邦

天章題額

親封賜百斛龍文筆力扛

喬山維嶽海無波望祀明禋禮則那坤厚可知民裕

樸地靈尤覺物華多

剝木遺風製不殊  
造舟沮漆有威呼  
雨三人受取攜  
便絕勝中流得一壺

耕田鑿井里居安  
鼓腹含哺歲月寬  
一望茅檐桑柘  
裏炊煙縷縷出呼蘭

法喇如車抑似牀  
雪中驢背定差強  
若吟縞帶銀杯  
句未許劉叉獨擅場

榆柳爲弓翦雉翎  
斐蘭習射未全丁  
桑弧蓬矢傳周

禮自昔岐陽毓寧馨

古制惟聞刀匕供有抹惟棘佐常饗滑流賽斐看飜  
雪陶復流泉聽夕春

皮板楣間曰額林無多家具總能任大夫七十而有  
閣義取于斯制匪今

風霜老樹腹空嵌樸斲惟憑白柄鑊大甕小槽都不  
事天然斷木是施函

垣墉塗墍四週遭拉哈工施圻塹牢已屆築場當謹

塞又須乘屋事茅綯

故宮糠燭

戒輕更義在

前光見

聖情豈止葛燈留示儉觀書

屢詠熱霞綯

擣絮漚麻製豁山蔡倫後見古風還蘭亭蠶紙堅猶

遜錦水虛誇十樣蠻

鹿跪磨光四色安  
亦分勝負目羅丹  
雖然婦孺閨中  
戲可作堯時擊壤觀

室是團蕉砌上苔  
竹樓松架各清裁  
何如厚結樺皮  
屋周斐常依過澗隈

播琴教後已陳常  
宜土猶分穀種詳  
惟有

奧區稱陸海  
果然生物首東方

圓流懷媚必璇源

聖水鍾祥自闢門  
底藉鯨人南海出  
揚輝秋月獻珠

軒

三極五葉茁深林採取惟旁椒樹尋仙品自然依  
王氣隱居空述紫園寢

玉水方流氣貫虹綠雲一片付磨礱

西清舊譜松花研

手澤常留紀

帝鴻

豐貂溫厚毳毛柔江總會聞賦挹婁此日索倫多貢

入正如于貉獻公裘

多于文囿富

神京就暖羣遊聽鹿鳴獵罷割鮮因遍

賜充庭奚止大庖盈

窩集連林灌莽披攸飛整隊刺熊熊卽

今勁旅雄三省渭水何殊入夢時

戴角垂胡堪達漢遠聞產自黑龍江取爲佩韞開弦  
用雨血風毛中疊雙



刺天俊鶻入雲形萬里盤空勢不停  
野泊頭鵝新啟宴秋風齊放海東青

澤人無禁逝魚梁躍入王舟溯發祥

玉食供餘新斫鱠競從燕市買鱸鯉

偃蓋蒼鱗勢翥騰風吹松塔落層層  
偃在欲覓招威種來往仙林作壽朋

族類植梨

鑒別精新標溫普譯安名始升珍產多

靈囿朱果當年

瑞早呈

雲漢爲章

賦

盛京班張研鍊枉傳名

丹豪灑露摘

幽頌玉振金聲集大成

階莖數計六旬開皇路由庚擁

輅迴澄海樓頭瞻

日近關門紫氣自東來

烏亭鷺堠迓

旋旌路出

東陵

告慶成虞典歸來格

藝祖

蒼梧迴望不勝情

奏賀明光列

玉墀卷阿音矢際

昌時中和樂職

臣

無似敬上

陪都風雅詞